

09.03 PROFIL

Elena Depuoz: «Questa pitschna buoba na dumogna betg quai...»

Reacziuns tipicas sin il bajetg d'umens. Ma quellas han motivà Elena Depuoz ch'ha fatg in emprendissadi sco electricista a Glion anc pli fitg.



Ils emprims dus onns n'èn betg stads simples. Sco emprim la midada da la scola cun seser l'entir di, sin curren enturn sin ils bajetgs – il corp ha senti, ch'i ha dà ina midada. Lura las bleras reacziuns negativas envers ella sco electricista, cunzunt d'umens pli vegls. Els han manegià, ch'ina dunna na po betg far questa lavur. «Sunter avair fatg ella, eran ils umens dentant tuttina cuntents. Sco dunna ston ins mussar bler dapli ch'in um», di Elena Depuoz en il «Profil» da RTR. Tut auter dentant las dunnas pli veglias, lezzas avevan plaschair ch'ina dunna giuvna lavura sco electricista.

«Ozendi na pon ins strusch betg parcar l'auto senza telefonin, perquai ch'ins na po betg pli pajar cun raps bluts. Quai è tut bun ed endretg, ma i dovra anc adina omaduas pussaivladads», di Elena Depuoz, ch'ha lavurà senza per ina firma da rait da comunicaziun. Ella cumenza en pacs dis tar la fatschenta da ses ami– sco maun dretg u era maun sanester. E lez ha pir gist il cumenzament da lonn cumprà questa firma, che fa installaziuns electricas.
Redacziun: Claudia Cathomen